

Ordinhad 8:

Y Cyngor: Gofalu am y Sêl Gyffredin a'r Defnydd ohoni

Corff Cymeradwyo:	Y Cyngor
Dyddiad Cymeradwyo:	24 Ebrill, 2020
Perchennog y Polisi:	Ysgrifennydd y Brifysgol
Swyddog Polisi:	Pennaeth Llywodraethu a Chydymffurfio
Statws y Polisi:	Newydd
Fersiwn:	1.0
Dyddiad adolygu:	Ebrill 2023

Ordinhad 8:
Y Cyngor: Gofalu am y Sêl Gyffredin a'r Defnydd ohoni

1. Y Cyngor yn unig fydd yn gofalu am Sêl Gyffredin y Brifysgol a'r defnydd ohoni gyda phŵer llawn i dorri'r Sêl honno neu ei gwneud o'r newydd (Siarter, Adran 7.1).
2. Ysgrifennydd y Cyngor fydd yn gyfrifol i'r Cyngor am ddiogelwch y Sêl Gyffredin, ac am reoleiddio ei defnydd.
3. Rhaid selio dogfennau o ganlyniad i:
 - i. Benderfyniad gan y Cyngor; neu
 - ii. Benderfyniad gan unrhyw berson neu gorff o bobl sy'n gweithredu gydag awdurdod dirprwyedig gan y Cyngor, naill ai'n gyffredinol neu mewn perthynas â thrafodion penodol.
4. Bydd gosod y Sêl yn cael ei ddilysu gan:
 - i. Ddau aelod o'r Cyngor; ac
 - ii. Ysgrifennydd y Brifysgol.
5. Bydd Ysgrifennydd y Cyngor yn cadw Cofrestr Selio, gan gofnodi ar gyfer pob defnydd, y dyddiad, manylion y ddogfen sy'n cael ei selio ac enwau trydydd parti perthnasol.
6. Ar gyfer pob selio, rhaid i'r llofnodwyr a restrir o dan 4 uchod lofnodi'r Gofrestr Selio i gadarnhau dilysrwydd y sêl.
7. Bydd Ysgrifennydd y Cyngor yn adrodd ar restr o'r dogfennau hynny sydd wedi'u selio yn unol â'r Ordinhad hwn i gyfarfod dilynol y Cyngor.